

Durante e prome anochi Festival di Tumba Corsow 1999..

RAMPHIS TROMP A LOS SU "CALBAS LARGO"..

Fotos/texto: Jan Poets.

DEN AMBIENTE

** Dialuna ultimo DEN AMBIENTE tabata presente den Curacao Festival Center, specialmente pa cubri e momento cu Ramphis Tromp a presenta su tumba "Calbas Largo". Porcierto tabata e prome anochi di e Festival di Tumba Corsow 1999. E prome anochi aki a conta cu un grandioso publico y por bisa cu gran parti di e publico tabata fanaticonan di Gibi y su Orquesta. Ramphis Tromp y Brian Kamperveen a presenta cu e banda musical "Locomotion", cual banda tabata figura como e di cinco banda riba orden di pre-

sentacion. Ramphis Tromp tabata e prome cu a presenta su tumba "Calbas Largo". Na momento cu Ramphis Tromp a presenta su tumba, el a conta cu apoyo di e maestro musico Franklin Granadillo den e parti di brass-section. Mester bisa cu Ramphis Tromp a hasi lo maximo pa presenta su tumba "Calbas Largo" den un gran forma, loke tambe el a logra. Pero mester bisa si, cu si Ramphis Tromp a haya suficiente tempo pa por a prepara un show rond di su tumba "Calbas Largo", e por a hasi un mihor impacto den e publico, cual ta un factor cu ta hunga



**** Un bista di e bunita escenario na momento cu Ramphis Tromp tabata presenta su tumba y por mira tambe e coristanan di Locomotion..**

un rol grandi den e festival aki. Brian Kamperveen cu si a prepara un show den su Tumba "Te", a causa un impacto. For di varios di e personanan cu a sigui e presentacion di Ramphis Tromp via nan radio den auto na caminda pa Festival Center, a duna di conoce cu Ramphis su Tumba a zona hopi bon. Por a compronde for di Ramphis, cu si e cay den e 25 finalistanan pa diabierna awor, E lo bay prepara un tremendo show ala estilo calbas largo corta na dow. Sinceramente bisa, Ramphis Tromp su chens pa bira Rey di Tumba Corsow ta practicamente imposibel, pero tog e posibilidadnan ta grandi cu Ramphis por figura entre e 25 finalistanan diabierna awor den e gran anochi final di Festival Tumba Corsow 1999...



**** Aki tabata e momento cu Ramphis Tromp a cuminsa los su tumba "Calbas Largo"...**



**** Ramphis Tromp hunto cu e Tata di Tumba Boy Dap, kende a declara na DEN AMBIENTE cu den e siglo aki e tabata e prome Rey di Tumba y e lo bay sera e siglo tambe como Rey di Tumba..**



**** Aki por aprecia Ramphis hunto cu su manager Poentje Castro y e maestro musico Franklin Granadillo den compania di e manager di Locomotion Javier de Castro y mas dos musico di Locomotion..**



**** El Maestro Franklin Granadillo tambe a forma parti di e brass-section di Locomotion..**



**** Di e forma brabu aki Corsow a cuminsa goza di su prome anochi di Festival di Tumba 1999..**